

氏族典



氏族典第六十四卷

閻姓部彙考

鄭樵通志 以邑爲氏 齊邑

閻氏齊大夫閻丘嬰之後或單言閻氏從省文也又改爲盧氏

廖用賢尙友錄 閻姓

閻頓丘唐叔之後又望出三原

閻姓部列傳

漢 閻昭 閻譚 閻子真 閻德興

按姓氏急就篇藝文志五行家有閻昭 按萬姓統譜譚漢人 按姓氏急就篇漢有閻子真

按奇姓通德興見王僧孺百家譜

吳 閻豐

按姓氏急就篇豐吳廣州刺史

晉 閭和

按晉書趙王倫傳倫拜車騎將軍諂事中宮爲賈后所親信愍懷太子廢使倫領右軍將軍時司馬雅許超嘗給事東宮傷太子無罪謀廢賈后復太子乃說倫嬖人孫秀秀許諾言於倫倫納焉太子旣遇害超雅懼後難欲悔其謀乃辭疾秀復告右衛飲飛督閭和和從之期四月三日景夜一籌以鼓聲爲應至期乃矯詔開門夜入陳兵道南遣齊王冏將三部司馬百人排闥而入廢賈后爲庶人幽之於建始殿

北魏 閭大肥

按魏書閭大肥傳大肥蠕蠕人也太祖時與其弟大渥偕頤率宗族歸國尙華陰公主太宗卽位進大肥爲內都大官爵爲侯神瑞中爲都將泰常初復爲都將領禁兵討蠕蠕假使持節安陽公鎮撫陳汝世祖初討大檀還爲內都大官出除使持節冀青二州刺史假滎陽公尋徵還位特進復出爲冀青二州刺史尋入爲內都大官從討赫連昌以功授滎陽公公主薨復尙濩澤公主又爲都將擊大檀討東部高車征平涼並有功世祖將拜大肥爲王遇疾卒追贈中山王子賀早卒弟鳳襲爵

閻鳳 閻延 閻辰定 閻毗

按魏書閻大肥傳大肥弟鳳高宗時爲內都大官出爲鎮南將軍肆州刺史卒無子爵除 按北

史閻毗傳毗恭皇后之兄也后生文成文成和平二年追諡后祖延康襄公 按北史閻毗傳和

平二年追諡后父辰定襄懿王 按北史閻毗傳毗代人蠕蠕主大檀之親屬太武時自其國來

降太安二年以毗爲平北將軍賜爵河東公其年加侍中進爵爲王征東將軍評尙書事毗薨贈太

尉

閻紇 閻染 閻惠 閻莊

按北史閻毗傳太安二年毗弟紇爲寧北將軍賜爵零陵公其年加侍中進爵爲王征西將軍中都

大官紇薨贈司空 按北史閻毗傳毗弟染位外都大官冀州刺史江夏公卒 按北史閻毗

傳河東王毗薨子惠襲爵 按北史閻毗傳毗弟零陵王紇子豆後賜名莊太和中初立三長以

莊爲定戶籍大使甚有時譽十六年例降爵後爲七兵尙書卒

閻龍駒 閻根 閻文祖



按姓氏急就篇後魏有閻龍駒 按姓氏急就篇後魏有閻根 按姓氏急就篇後魏有閻文

祖

唐 閻知微 閻知節 閻興貴

按萬姓統譜知微頓丘人員外郎 按姓氏急就篇集賢注記閻知節詳正學士 按姓氏急

就篇唐有宦者閻興貴

宋 閻勅 閻師

按尙友錄勅建炎中節制淮南軍馬駐定遠縣金人陷定遠勅爲所執欲降之不從怒殺之 按

萬姓統譜師荊州制置使

明 閻鉦 閻潔 閻東 閻朝儀

按萬姓統譜鉦字靜之涇州人成化進士歷官貴州布政使時蠻酋作亂鉦同將官討之死於陣贈

都御史 按萬姓統譜潔字次清陝西人弘治進士仕至提學副使 按續文獻通考東四川

人歷官都御史 按萬姓統譜朝儀涇州人萬曆間山西臨汾縣丞

渠姓部彙考

鄭樵通志 平聲

渠氏周大夫渠伯之後

渠姓部列傳

周 渠伯糾 渠孔

按左傳桓公四年夏周宰渠伯糾來聘父在故名注渠姓伯糾名也王官之宰當以才授位而伯糾

攝父之職出聘列國故書名以譏之 按鄭樵通志衛有渠孔

漢 渠復絜 渠乃始 渠參 渠穆

按漢書功臣表復絜以屬國大首渠擊匈奴封昆侯 按漢書功臣表昆侯乃始嗣地節四年薨

亡後 按鄭樵通志漢有渠參封贊侯按此疑即昆侯 渠復絜之訛 按萬姓統譜穆鄰令

明 渠仲寧 渠璣 渠泰

按滕縣志仲寧遇異人授相地術語多奇中成祖幸南京駐蹕於此召見試之用量天尺度地之物

指處一言下若干尺有石如虎狀果驗授本科訓術

按滕縣志璣正統十一年歲貢任樂城主簿

按滕縣志泰弘治十年歲貢任肥鄉縣丞

渠溫 渠永昌 渠兆昌

按滕縣志溫正德七年歲貢

按山西通志永昌祁縣人性生醇樸孝友著聞平生樂揚人善隻

字未犯公門鄉飲累賓卒年九十九歲

按萬姓統譜兆昌祁縣人隆慶庚午舉人

渠大義

按滕縣志大義嘗適市拾人遺金坐俟久之弗至也下旬仍持金至故處俟之偶有人咨嗟悼前事渠詰驗非詐出金付之其人感出望外請分之渠竟毫無所取後鬻米得直再倍檢知仍歸還之

渠澄清

按徐州志澄清字允潔萬曆間歲貢任宣城訓導穀城教諭歸州學正平生無疾言怒色居鄉居官一以和易行之然敦風節富文藻所至不至汶汶以故在宣城則有祭義士吳仕期文署光化則有祭鄉先生李俊文在歸州則有弔屈原詩他如易經問辨錄三餘漫草行於世者尤著云



如姓部彙考

鄭樵通志 平聲

如氏桓譚新論有道人如子禮漢書長安富人如氏又如羅氏改爲如氏

如姓部列傳

周 如耳

按奇姓通燕伐衛拔列城二衛君患之如耳見衛君曰請罷燕兵免成陵君可乎衛君曰先生果能孤請世世以衛事先生

漢 如周丘 如氏 如普 如子禮

按萬姓統譜周丘淮南王壯士 按漢書貨殖傳平陵如氏爲天下高訾至鉅萬 按漢書王

莽傳莽遣諫大夫如普行邊 按奇姓通漢有如子禮見桓譚新論

魏 如淳

按漢書敘例如淳馮翊人魏陳郡丞



宋 如或

按萬姓統譜或嘉熙間華亭縣知縣

明 如學禮

按萬姓統譜學禮武陵人永樂中鴻臚司賓署丞

璩姓部彙考

鄭樵通志 平聲

璩氏望出豫章

璩姓部列傳

唐 璩抱朴 璩瑗

按奇姓通抱朴唐進士 按萬姓統譜瑗官至司徒銀青光祿大夫封西川侯

宋 璩重 璩秉 璩經國

按鄭樵通志宋登科璩重岳州人 按鄭樵通志宋登科璩秉岳州人 按萬姓統譜經國迪

功郎

明 璩新源

璩玖

璩玉

按萬姓統譜新源涇縣人洪武三十三年貢士任知州

按諸城縣志玖孫村社人永樂丁未歲

貢 按丘縣志玉順天玉田人舉人正統十二年任訓導

璩錫

璩鎮海

璩綸

按萬姓統譜錫曲周人正統中太常典簿

按萬姓統譜鎮海大浦人宣德間以楷書入爲戶部

主事

按萬姓統譜綸保昌人成化舉人教諭

璩安

璩德案

璩琇之

按萬姓統譜安安化人正德中御史陞僉事

按萬姓統譜德案永豐人萬曆間豹韜衛經歷

按萬姓統譜琇之和順人萬曆間鴻臚寺序班

璩光岳

按建昌府志光岳字山仲號三谷新城人進士兵部職方司員外郎推陞吏部會疾卒初知光州時



剖判如流老史懾服佐樞時軍符旁午刻期應發善草書著石波館集老子解說

璩琛

按丘縣志琛雲南臨安府照磨

璩伯崑

按安慶府志伯崑字山甫桐城人少有才名崇禎間以明經中副車授江西武寧令政平訟簡威惠並用孚以誠信頑梗悉化至課士勸學文教尤著既以治行卓徵試廣東道御史因病乞歸

沮姓部彙考

鄭樵通志 平聲

沮氏音頊黃帝史臣沮誦之後 人舉人五縣十二平封贈

沮姓部列傳

上古 沮誦

按劉恕外紀黃帝命倉頡爲左史沮誦爲右史

後漢 沮儁

按後漢書董卓傳李傕郭汜追乘輿大戰於弘農東澗射聲校尉沮儁被創墜馬李傕謂左右曰尙可活不儁罵之曰汝等凶逆逼迫天子亂臣賊子未有如汝者傕使殺之

沮授

按後漢書袁紹傳董卓擁制強兵議欲廢立初平元年紹以勃海起兵冀州牧韓馥等同時俱起以討卓爲名陳留高幹及潁川荀諝等說馥舉冀州以讓袁氏馥然其計騎都尉沮授諫不聽乃遣子送印綬以讓紹紹領冀州牧以馥爲奮威將軍引沮授爲別駕因謂授曰吾欲與卿戮力同心共安社稷將何以匡濟之乎授進曰將軍威陵河朔名重天下若收英雄之士擁百萬之衆迎大駕於長安復宗廟於洛邑號令天下誅討未服以此爭鋒誰能禦之比及數年其功不難紹喜曰此吾心也卽表授爲奮武將軍使監護諸將興平二年車駕爲李傕等所迫於曹陽沮授說紹西迎大駕紹不能從紹欲攻許沮授進說郭圖審配等因是譖授紹乃分授所統爲三都督使授及郭圖淳于瓊各典一軍沮授臨行會其宗族散資財以與之曰執存則威無不加執亡則不保一家哀哉紹度河沮

授臨船歎曰上盈其志下務其功悠悠黃河吾其濟乎遂以疾退紹不許而意恨之復省其所部并屬郭圖曹操屯官渡紹進保陽武沮授說紹持久紹不從又說紹遣蔣奇絕曹操之鈔紹又不能用紹軍潰沮授爲操軍所執乃大呼曰授不降也爲所執耳操見授謂曰分野殊異遂用圯絕不圖今日乃相得也授對曰冀州失策自取奔北授知力俱困宜其見擒操曰本初無謀不相用計今喪亂過紀國家未定方當與君圖之授曰叔父母弟懸命袁氏若蒙公靈速死爲福操歎曰孤早相得天下不足慮也遂赦而厚遇焉授尋謀歸袁氏乃誅之注授廣平人少有大志多謀略

沮宗

按後漢書袁紹傳紹攻曹操沮授臨行會其宗族散資財以與之曰執存則威無不加執亡則不保一身哀哉其弟宗曰曹操士馬不敵君何懼焉授曰以曹兗州之明略又挾天子以爲資我衆實疲敝而主驕將怵軍之破敗在此舉矣

沮鵠

按萬姓統譜鵠袁尙將守邯鄲死於戰



餘姓部彙考

鄭樵通志以族爲氏

餘氏晉餘頤著複姓錄自云本出傅氏前燕錄有餘元餘和餘巖崇舊云鮮卑種類然旣出傅氏無因出鮮卑

餘姓部列傳

晉 餘頤 餘元 餘和

按鄭樵通志頤著複姓錄 按鄭樵通志前燕有餘元 按鄭樵通志前燕有餘和

餘蔚

按後燕錄燕元年垂欲襲據洛陽引兵而東故扶餘王滎陽太守餘蔚及昌黎鮮卑衛駒各帥其衆來降垂至滎陽自稱大將軍大都督燕王以餘蔚爲征東大將軍統府左長史仍封扶餘王建興七年爲右僕射寶卽位以爲太傅

餘巖

按後燕錄燕二年秋七月建節將軍餘巖叛自武邑驅掠四千餘人北趨幽州幽州刺史平視拒戰爲巖所敗巖乘勝入薊掠千餘戶而去所過寇暴遂據令支八月垂會兵討餘巖冬十一月攻令支巖衆震駭踰城歸附巖計窮力竭出城降

餘嵩 餘超

按後燕錄嵩仕垂光祿大夫平視叛於魯口嵩以鎮東將軍討之軍敗見殺 按後燕錄長樂元

年散騎常侍餘超坐謀反誅

餘崇

按後燕錄崇字子厚仕寶爲建威將軍寶被圍於中山清河王會表求赴難使崇爲前鋒率騎五百伺魏強弱遇魏千餘騎鼓譟直進手殺數十人魏騎潰去崇亦引還勇冠一時衆心稍振後會使壯士襲殺高陽王農欲棄喪走龍城崇涕泣固諫乃聽載軍後寶嘉其忠拜中堅將軍封潁陰公蘭汗之亂隨寶入龍城密言於寶曰觀加難形色禍變甚逼宜留三思奈何徑前寶不從行數里加難遂先執崇崇大呼罵曰汝家幸緣肺腑蒙國寵榮覆宗不足以報今乃敢謀篡逆此天地所不容計旦

暮卽屠滅但恨不得手膾汝曹爾加難殺之

餘熾

按南燕錄德女平原公主慕容氏寡居歸將改適壽光侯餘熾慕容氏自縊而死及葬經餘熾宅前熾聞輓歌之聲慟絕良久

唐 餘文仲

按奇姓通文仲論風氣武后使著書

宋 餘慶

按萬姓統譜慶眉山入紹興進士

明 餘惟興

按萬姓統譜惟興博平人嘉靖中麻合州吏目

餘姓部紀事

北史百濟傳百濟之國蓋馬韓之屬也其國東極新羅句麗西南俱限大海處小海南東西四百五



古今圖書集成

部彙考 列傳之一

十里南北九百餘里王姓餘氏號於羅瑕百姓呼爲韃吉支夏言並王也王妻號於陸夏言妃也

絮姓部彙考

漢書 張敞傳注

絮姓也音女居反又音人餘反

絮姓部列傳

漢 絮舜

按漢書張敞傳敞守京兆尹九歲坐與光祿勳楊惲厚善惲誅公卿奏惲黨友不宜處位敞奏獨寢不下敞使賊捕掾絮舜有所案驗舜以敞刻奏當免不肯爲敞竟事私歸其家人或諫舜舜曰吾爲是公盡力多矣今五日京兆耳安能復案事敞聞舜語卽部吏收舜繫獄是時冬月末盡數日案事吏晝夜驗治舜竟致其死事舜當出死敞使主簿持教告舜曰五日京兆竟何如冬月已盡延命乎迺棄舜市會立春行冤獄使者出舜家載尸并編敞教自言使者使者奏敞賊殺不辜天子薄其罪欲令敞得自便利卽先下敞前坐楊惲不宜處位奏免爲庶人